


# দুর্গোৎসব ।



উদ্ভট কাব্য ।

শ্রীযতীনন্দ শর্মা কর্তৃক  
বিরচিত ।

শ্রীহরিশচন্দ্র মুখোপাধ্যায় কর্তৃক  
প্রকাশিত ।

কলিকাতা ।

বাবসায়ী যন্ত্রে শ্রীঅমৃতলাল ঘোষ দ্বারা মুদ্রিত ।



## বিজ্ঞাপন ।

বঙ্গীয় পাঠকমণ্ডলী বহুদিবসাবধি  
“পঞ্চানন্দ ঠাকুরের” উৎপীড়নে ব্যতিব্যস্ত,  
তাহার উপর আবার আজ ষড়ানন্দ শর্ম্মার  
দৌরাত্ম্য কেন ? শর্ম্মা স্বয়ং গম্ভীর ভাবে  
তাঁহার ! এই উদ্ভট কাব্যের যে মুখ-বন্ধটি  
লিখিয়া দিয়াছেন, তাহার মধ্যে উল্লিখিত  
প্রশ্নের উত্তর পাওয়া যাইতে পারে । কিন্তু  
আমি সে উত্তরের আদৌ পক্ষপাতী নহি ।  
আমরা দৃঢ় বিশ্বাস এই যে ষড়ানন্দের সহিত  
শারদীয় মহোৎসবে যোগ দিয়া বঙ্গবানীমাত্রেই  
যথেষ্ট প্রীতি লাভ করিবেন ; এবং তদ্ব্যন্থাই  
আমি ষড়ানন্দ কর্তৃক বহুলরূপে তিরস্কৃত  
হইয়াও তাঁহার অন্ধকারাচ্ছন্ন বিপুল দণ্ডের  
সর্বনিম্নস্তল হইতে এই ক্ষুদ্র গ্রন্থ খানি উদ্ধার  
করিয়া সাধারণ্যে প্রকাশ করিলাম । কিমধিক  
মিতি ।

• দারভাঙ্গা, ) শ্রী হরিশ্চন্দ্র মুখোপাধ্যায়,  
সন ১২২০ সাল । } প্রকাশক ।



## মুখ-বন্ধ ।

১২৭৮ সালের পূজার সময়—লেখক তখন তরুণ বয়স্ক—এই পদ্যটি লিখিত হয় ;—লেখকের যেচ্ছাক্রমেই তৎকালে প্রকাশিত হয় নাই । কিন্তু এক্ষণ হইল কেন ? যে গুরুতর পাপে লেখক তরুণ বয়সে প্রবৃত্ত হন নাই, এক্ষণ পরিণত বয়সে কেন তাহাতে লিপ্ত হইলেন ? এ প্রশ্নের প্রকৃত উত্তর নাই ; তবে কিনা অনেক সময়ে এরূপও ঘটে যে অল্প বয়সে যে সকল দুষ্কর্ম করিতে সুরু হয় ও সাহস হয় না,—বয়োবৃদ্ধি হইলে অসন্ধিগ্ন চিন্তে ও সাহস সহকারে আমরা তাহা সম্পন্ন করিয়া থাকি । মনুষ্য স্বভাবের এই প্রক্রিয়ার যদি কোন কারণ থাকে—লেখকের এই উপস্থিত মহাপাতকও বোধ হয় সেই কারণ সম্ভূত । যাহা হউক বাক্যাড়ম্বরে পাপ বিধৌত হইবে না ; পদ্যটি প্রকাশিত হইল ; পৃষ্ঠক ধৃষ্টতা মাপ করিবেন ; পদ্যটির কলেবর প্রায় পূর্বাঙ্কুরূপই আছে, কেবল স্থানে স্থানে দুই চারি ছত্র পরিবর্তন ও বিকর্তন করা গিয়াছে মাত্র । অলমিতি বিস্তরেণ ।

---



CHANDRANATH DAS,

4, Willingdon's Lane, Calcutta.

# দুর্গোৎসব ।

25/5/11

আবাহন ।

—\*—

“জাগ মা আমার,” “জাগ মা আমার,”

সম্বৎসর পরে, জগত-জননি !

ও রাঙা চরণে, লুঠাই আবার ;—

“জাগ মা আমার,” ভব-নিস্তারিণি !

সম্বৎসর ওমা বড় আশা করে,

আছি পথ চেয়ে দেখিব তোমার ;

হয়ে অধিষ্ঠান দীনের কুটীরে,

পুলকিত কর এ পাপ হৃদয় ;

সম্বৎসর পরে ওমা পুনর্কীর,

দেহ পদ-ছায়া এভগন ঘরে ;

দীন হীন ওমা সন্তান তোমার,

দীন হীন পানে চাও গো ফিরে ।

আজ সম্বৎসর এ পুরী আঁধার,

জ্বলনি মা দীপ তোমার ঘরে ;

কর আলোকিত এসে মা আবার,

আবার তিনটি দিনের তরে ।

বিগত নবমী রজনীর শেষে,  
 নিবেছিল দীপ, রয়েছে নির্বাণ ;  
 কে জালিবে দীপ, কেমনে জালিবে,  
 না হইলে ওমা তব অধিষ্ঠান ।

হও অধিষ্ঠান, জাগ মা আমার,  
 আলোকিত পুনঃ হউক এ ঘর,  
 জনম সার্থক করি মা আবার,  
 ধরে ও চরণ হৃদয় পরে ;

হও অধিষ্ঠান, জাগ মা আমার,  
 পুলকে পূর্ণিত হউক সংসার,  
 উজ্জ্বল এ পুরী হউক আবার,  
 আবার তিনটী দিনের তরে ;  
 জনম সার্থক করি মা আবার,  
 ধরে ও চরণ হৃদয় 'পরে ।

ধরে ও চরণ হৃদয়ের 'পরে,  
 জুড়াইব ওমা তাপিত প্রাণে,  
 ক'র'না বঞ্চিত ও আনন্দময়ি,  
 সে মহা আনন্দে অধম জনে ।

দরিদ্র কাঙাল আমি গো জননি,  
 কি দিয়ে চরণ পূজিব আর,  
 একটি কুম্বল লুকায়ে রেখেছি,  
 হৃদয়ের মাঝে, দিতে উপহার ।

বকস্বল ওমা করিয়ে ছেদন,  
 সেই পুষ্পটীয়ে চয়ন করে,



পুঞ্জিব তোমার পবিত্র চরণ,  
কিছু ওমা আর নাহি এ ঘরে ।

সে সামান্য কুলে তুচ্ছ উপহারে,  
হয় যদি ওমা সন্তোষ তোমার,  
তবেই জীবন সার্থক হইবে,  
সুচিবে এ গুরু পাপের ভার ।

নতুবা উপায় নাহি গো জননি,  
দীন হীন আমি দরিদ্র অতি,  
উচ্চ উপচারে পুঞ্জিবারে পদ,  
মাগো এ দীনের নাহি শক্তি ।

কাঙালের গৃহে এস এস মাতা,  
কাঙালের পূজা লও গো আসি ;  
এস এস ওমা দরিদ্রের ঘরে,  
যুচুক এ পাপ তাপের রাশি ।

জগত জননি, দুর্গতি নাশিনি,  
ভকত বৎসলে সঙ্কট হারিনি ;  
জয় মহামায়া বিষ্ণু বিনাশিনি,  
জাগ ও জননি জগত মাতা ;  
জয় জয় দুর্গে জয় ভগবতি,  
অনন্ত সৌন্দর্যে অনন্ত শক্তি ;

তোমার ইচ্ছায় সৃষ্টি লয় স্থিতি,  
তুমি মা সংসারে একই ত্রাণী ;  
জয় মহা মায়ী বিষ্ণু বিনাশিনি,  
জাগ ও জননি জগত মাতা ।

জাগ মা আমার জাগ মা আমার,

সম্বৎসর পরে জগত জননি ;

ও রাঙা চরণে লুঠাই আবার,

জাগ মা আমার ভব নিস্তারিণি ।

\* \* \* \*

জাগিলেনা কেন এখনও জননি,

হইল যে নিশি প্রভাত প্রায় ;

তবে কি নৈরাশ করিবে গো ওমা,

দীন হীন তব সন্তানে হার !

পাবনা কি ওমা দেখিতে এবার

পবিত্র চরণ প্রসন্ন মুখ ;

কোন মহা পাপে করিলে বিধান ;

হে করুণাময়ি এ হেন দুঃখ !

যামিনী ত প্রায় হইল বিগত,

এখনও ওমা ক'লে না কথা !

কাহারে বলিব কোথা লুকাইব,

এই সাংঘাতিক হৃদয় ব্যথা ;

বাজিতেছে ওই মঙ্গল বাজনা,

নগরের প্রায় প্রত্যেক ঘরে,

সবাই আনন্দে উল্লাসে মগন ;—

তব আগমন ঘোষণা করে ;

সবাই তোমায় দেখিল জননি,

সবাই মাতিল তোমার নামে,

আমি(হি) কি নৈরাশ হইব কেবল,

আজ মা তোমায় এ আনন্দ ধামে ?

দাও ওমা দেখা, ক'রনা বঞ্চিত,  
 যঁচী শেষ প্রায় করি আবাহন ;  
 দাও অধিকার, এক মুষ্টি ফুলে,  
 পূজিবারে ওমা ও রাঙা চরণ ।

\* - \* \* \*

একান্ত যখন দিলে না মা দেখা,  
 অন্তর-যামিনি তোমার সাক্ষাতে-  
 দেখ তবে এই ত্যজি এ জীবন,  
 দেখ ওমা ত্যজি এই অজ্ঞাঘাতে  
 এই খজ্ঞাঘাতে ত্যজি মা জীবন,  
 এ অনিত্য দেহ করি মা ভেদ ।  
 এ জনমে দেখা হইল না আর,  
 বহিল মা মনে দারুণ খেদ ।  
 এ জনমে দেখা হ'ল না জননি,  
 জন্মাস্তে দেখাও প্রশন্ন মুখ ;  
 দাও গো বিদায় ; ত্যজি ভব ধাম,  
 যাই মা যথায় অনন্ত মুখ ।

## উৎসব ।

দেখিতে দেখিতে দেখি গেল ক'টা মাস,  
 শরৎ আসিয়ে পুনঃ হইল প্রকাশ ;  
 নূতন বসন সঙ্গে এল পুনরায়,  
 বঙ্গে রঙ্গ মহা 'ধম' দেবীর পুজায় ;  
 বাজিয়ে উঠিল পুনঃ মধুর বাজনা,  
 ঢাক ঢোলে ছুর্গোৎসব করিল ঘোষণা ।


—o—

স্কুল আফিস আদি হয় হয় বন্ধ,  
 নাচিয়ে উঠিছে প্রাণ অপার আনন্দ ;  
 স্ত্রী পুরুষ বাল বৃদ্ধ ধনী বা নির্ধন,  
 বাঙ্গালী মাতেই আজ প্রকুলিত মন ;  
 কি নগর কিবা পল্লি সহর বাজার,  
 সকল স্থানেই 'পূজা' করিছে বিহার ;  
 কেহ কিনে কেহ বেচে কেহ করে গোল,  
 পূজার প্রায়স্ত—আজ—সকলই চঞ্চল ;  
 গরম হ'তেছে ক্রমে পূজার বাজার,  
 এতই ছুম্বল্য স্রব্য "স্পর্শ করা ভার ;"  
 'স্পর্শ করা ভার' তবে কেন কর ক্রয় ?  
 "পূজার সামগ্রী এ বে না হইলে নয় ।"

—o—

বসন বিক্রেতা, দর্জী আর চর্মকার,  
 করেছে স্মৃঢ় পণ লুঠিবে সংসার ;  
 অবিশ্রান্ত গণিতেছে টাকা আনা পাই  
 বেছে বেছে বেচে' যত 'কত কেনে ছাই,'

কছু হাসে মুহু মুহু চেয়ে মুখ পানে,  
কোথায় পালাবে আর পেয়েছে দোকানে ;  
যা এনেছ তাই লবে হবে আরও ধার,  
জাননা বৎসর গুরে পূজার বাজাব ।



প্রবাসী ভাবিছে কবে ঘাইবে ভবন,  
‘যেয়েও যার না দিন’ এত উচাটন ;  
ছ’টী বেলা ছুটি দিন করিছে গণনা,  
আশায় মিশারে কত রূপ কল্পনা :  
পিতা মাতা ভগ্নী ভ্রাতা পুত্র কন্যাগণে,  
‘পূজা’ সন্নিকটে সদা পড়িতেছে মনে ;  
সদা পড়িতেছে মনে সে ‘বিধু বদন’—  
প্রেষসীর, সে কটাক চটুল নয়ন,—  
সেই স্নমধুর হাসি—প্রাণ ভরা সুখ,  
বিদায় কালের সেই মিষ্ট কার্নাটুক ;—  
একে বারে সব আসি পড়িতেছে মনে  
“যেয়েও যার না দিন কেঁনরে একণে ।”

প্রণয়িনী মনে মনে পড়ে কোন কথা,  
হয়ত দিতেছে কা’রও প্রাণে কত ব্যথা ;  
‘আসিবার কালে আছা তাঁর ‘সুলোচনা’  
‘চেয়েছিল এক খানি ‘সাধের গহনা’  
সুলোচনও হেসে হেসে দৃঢ় অঙ্গীকার,  
‘করিয়াছিলেন ;—‘চিক’—দিবেন এঘার ;  
কিন্তু কোথা চিক ! সব অলীক বচন ;  
তাই হর্ষে বিষাদিত বাবুড়ীর মন,

সোজা কথা নয় সেত "সাত্তরি সোণা"  
 কিসে হয় অর্ন্ত "উঁচু ঘরের গছনা" ?  
 ঝুঁন সুধাবে আসি 'রসময়ী-রাই'  
 'এবার কি প্রিয়তম এনেছু' 'হে তাই'  
 "কি উত্তর বাণী গিয়ে দিবেন প্রিয়ায়,  
 তাই-ভেবে 'প্রিয়তম' ব্যাকুলিত হয় !"  
 কি ভয় হে রসময় ? যাও চলে ঘর,  
 'বলো 'প্রাণ' দিব চিক আগামী বৎসর' ।  
 নবীন বয়স বাপু জাননা বিশেষ,  
 পাও নাই পিরীতের ভাল উপদেশ,  
 তাই হে আশঙ্কা এত অন্তরে তোমার  
 ও রূপ হইয়া থাকে কত 'অঙ্গীকার' ।

— ০ —

কোথাও ভাবিছে আছা কত শত জন  
 'পূজার কাপড় হবে পাইলে বেতন'  
 'তাতেও কি হবে হায় ! সব সঙ্কলান,'  
 কি হবে ভাবিয়ে কিছু না পান সঙ্কান ।  
 তাহে চান 'এক জন' মহার্ঘ বসন  
 সকলে(ই) বুঝিল তিখি বুঝিবার নন ।  
 আবার এখনও শেষ হয় নি "চাকরী"  
 ছুটির উদ্যমে কাজ তিন গুণ ভারি  
 সারিছে 'কেরানী' কুল তাড়াতারি কাজ,  
 রাত্রে টেণেও যদি যেতে পারে আজ ।

— ০ —

কর্ম স্থল হ'তে যাত্রা কত মহাজন,  
 চলেছেন তরী পরে করি' আরোহণ

‘বাচীতে প্রতিমা খানি হয়েছে নির্মিত’

‘পূজার নামগী সব নিজের সহিত  
রহিয়াছে’ ;—ভাবিছেন গনিছেন দিন

‘কেমনে পৌঁছিব গিয়া পঞ্চমীর দিন,’

—o—

এ দিকে রমনীগণ বঙ্গীয় ভবনে,

ভাবিছেন কত রূপ ‘পূজা’ আগমনে ;—

অপার অপত্য স্নেহে জননী হৃদয়,

পরিপূর্ণ সদা—উদ্বেলিত এ সময় ;

ভাবিছেন আহা মাতা দিবস রজনী,

কখন আসিবে তাঁর নয়নের মণি,

বারেক দেখিয়া যেন সন্ততির মুখ,

যুচাবেন স্নেহ-ময়ী বৎসরের দুঃখ ;

—o—

কাহারও আসিবে ভাই কাহারও জামাই,

কাহারও আসিবে শ্যালার নাতির বিহাই ;

যে কিছু সম্বন্ধ আছে এ সৃষ্টি সংসারে,

সকলে(ই) আসিবে বাড়ী পূজার ব্যাপারে ;

সকলের(ই) ‘হিরেমন’ আসিবেন প্রায়,

পিরীতের চেউ প্রাণে গড়াইয়ে যায় ;

থই থই করে রস বাহির ভিতর,

আলে আসে আসে এই, প্রাণের নাগর ;

কতই উঠিছে মনে ভাবের তরঙ্গ ;

“কতক্ষণে হবে মহি আহা তার সঙ্গ,

“হয়েও হয় না দিন যেরেও না যায় ;

“কখন আসিবে আর রাত যে পোহায়,

“এসে মেছে বাড়ী আর সকলেই পাড়ার ;  
 “তাহার (ই) কেবল নাই নাম আসিয়ার,  
 “কি জানি কি হ’ল শুধা পেলে কিনা ছুটি ;  
 “প্রতিবার এসে থাকে এই দিন বাটী ;  
 “আজ না আসিলে আর আসিবে বা কবে,  
 “আসিবে কি যবে পূজা ফুরাইয়ে যাবে ?  
 “কিছুই পূজার আজও হ’ল না আমার,  
 “কি জানি কেমন ছিছি আক্কেল বা তার,  
 “একান্তই যদি তার না হইল ছুটি,  
 “কেন না পাঠায়ে দিল সেই দ্রব্যকটী ;  
 “তাও কিছু বেশী নয় নিতান্ত যা চাই,  
 “এক খানা লাল-গুল-বসান ঢাকাই,  
 “বাবু ধাক্কা পাছাপেড়ে আর এক খানা,  
 “গোলাপীর রত,—তাও আছে তার জানা ;  
 “ছুটি “বডি” শাটিনের, তাও বেশী নয়,  
 “এখনও আসে যদি তবু কাজ হয় ।  
 “যা হ’ক এবার তারে ছাড়িব না আর,  
 “যেথা যাবে সেথা যাব সঙ্গে সঙ্গে তার”  
 এতেক বখন তিনি ভাবিছেন মনে,  
 প্রাণের ‘গোলাম’ তাঁর পৌছেন ভবনে ।

—o—

কোথাও বা বসি আছা বাতায়নোপরি,  
 প্রাণেশের প্রতীকার আছেন সুন্দরী ;  
 অনিমেঘ দৃষ্টে পথ করি নিরীক্ষণ,  
 অজ্ঞাতে দেখিছে সন্তী সুখের স্বপন ;



কোথাও করিছে সঙ্গী শব্দ্যার রচনা ;  
 আপাদ মস্তক পদী পরিছে গহনা ;  
 গহনা পরিছে আর কণে কণে কণে,  
 মুহু মুহু হেসে মুখ দেখিছে দর্পণে ;  
 খুলিয়ে দিতেছে বেণী বাঁধিছে আবার—  
 প্রতিজ্ঞা পদীর আজ নাশিবে সংসার ;  
 তাই কত করেও যেন উঠিছে না মন,  
 সমর-সজ্জার আজ ভারি আয়োজন ;  
 শোভিছে অলঙ্কৃত রাগে পদীর চরণ,  
 সর্কান্ধে বলিছে হিরা কাটা-ডায়মন ;  
 বসন পরিছে পদী বাছিয়ে বাছিয়ে,  
 আতর 'অটোডি রোজ' ঘরে 'ছড়া' দিয়ে :  
 ঈষদ্ কজ্জল রেখা বন্ধিম নয়নে,  
 ( বন্ধিম নয়ন এই নুতন যৌবনে ),  
 কোথায় মদন আর কোথা 'পঞ্চবাণ' ;  
 পদীর নয়নে আজ অধিক সন্ধান ;  
 অবিরত 'ইলেকট্রিক' করিতেছে তায়,  
 পরশের পূর্বে (ই) প্রাণ যুরে পড়ে যায় ।  
 { 'সর্কনাশ' করে বাস স্নুক্ৰম নয়নে, }  
 { উত্তেজনা মাত্র তার ঈষদ অঞ্নে । }  
 • এতই বিক্রম একা নয়নের তার,  
 অভাব অন্য অঙ্গ দেখাবনা আর ;  
 কি জানি পাঠক এই পূজার বাজারে,  
 গৃহিনীরে ভুল পাছে পদীর বাহারে !  
 অঙ্গবাড়া দিয়ে পদীর উঠিয়ে দাড়ায়,  
 মুকুরে নেহারে মুখ বাঁকারে প্রীবার ।

করেছে কুসুম-মালা তাহুল অধরে,  
 নিবিড় নিতম্বে চক্ৰ-হার কীড়া-করে ;  
 কবরী উপরে স্বর্ণ "প্রজাপতি" ছর,  
 কেঁপে কেঁপে কেঁপে যেন কত কথা কয় ;  
 বলে "চেয়ে দেখ মোরা" কত ভাগ্যবান,  
 রূপসীর গিরে শোভি সবার প্রধান" ;  
 স্বভাব গোলাপ-আভ চিবুক তাহার,  
 এক্ষণে পাউডার রাগে রঞ্জিত আবার ;  
 { কেন ওলো পদ্মমুখী এই অত্যাচার,  
 { হেন "রোজি চিকে" কেন মাখিস পাউডার, }  
 নিটোল উজ্জল কিবা মার্জিত অধর ;  
 গরবে উন্নত যেন পীন পরোধর ;  
 কণ্ঠস্থিত হার তার হয়ে নিপতন ;  
 ছলে ছলে করে যেন মধুর চুস্বন ;  
 সুললিত বক্ষস্থল ঈষদ্বিক্ষারিত,  
 মৃদুল সমীরে যথা কুসুম কম্পিত ;  
 মৃগাল ভুঞ্জেতে চুড় নূতন প্যাটন ;  
 শান্তিপূর জিনি স্তম্ভ বাস পরিধান ।  
 সজ্জা শেষ করি পদী দোলায়ে নিতম্বে ;  
 ধীরে ধীরে বলে গিয়া 'সোহাগ পালঙ্গে' ;  
 তথায় আসিয়ে সদী রহস্য উড়ায়,  
 "কিস্ মি কুইকের" গন্ধ কেন তোর গায় ;  
 "কে করিবে কিস্ ওলো, মিস্ প্রাণেশ্বর  
 "চড়েছেন কাষ্ট টেন এলনা খবর ?  
 পদী বলে "ওলো সদী তাও না জানিস ;  
 "তারেতে আমার কত এসে থাকে কিস্ ;

“টেলিগ্রাফে’ আসে ‘কিস্’ ‘শ্লিস’ টেলিফোনে  
 “আমার শয়ন কক্ষে গোপনে গোপনে ।  
 সদী বলে “তারে যদি আসে তোর ‘কিস্’  
 ‘কাহার সে ‘কিস্’ তুই কেমনে জানিস ;’  
 পদী বলে “পোড়া মুখ মরণ তোমার,”  
 “বুকিস না আজও তুই চুন্ননের তার ;”  
 পদীর সে রসে আর রহস্য ছটায়,  
 হেসে হেসে হেসে সদী গড়াগড়ী যায় ।”

—o—

পাঠাতে পূজার তত্ত্ব উন্নত সবাই,  
 বিশেষতঃ যাহাদের নূতন জামাই ;  
 মাসাবধি হ’তে হইতেছে আয়োজন,  
 বিবিধ সামগ্রি কত রকমই বসন ;  
 সুন্দর ইংরাজ-কর-নির্মিত বিনামা,  
 বিহীন হইলে তত্ত্ব সম্মত হবে না,  
 অতএব সাবধান হে শ্বশুর কুল,  
 দেখো করও নাকো যেন “তত্ত্বে” শূলে ভুল ;  
 বিবিধ মিষ্টান্ন সহ ইংরাজী বিনামা ;  
 না দিলে জামাই বাবু সৃষ্টি রাখিবে না ;  
 “ সকলের আগে জুতা বাছিয়ে কিরিবে,  
 তবেই পূজার তত্ত্ব জুতান্ত হইবে ;  
 তোষিতে জামাত্ মন খালি জুতা নয়,  
 হা বিধাত ! পড়িয়াছে এমনই সময়,  
 সাবেক পূজার তত্ত্ব নাহি এবে আর,  
 এখন এ যে সৃষ্টি ছাড়া উৎখটী ব্যাপার,

আভর আবার কি বলে “এসেল ডিপ্যারিন’  
 একটাও যদি এর হয় কিছু মিন্ ;  
 ‘মিগারাদি’ নানা রূপ কন্ত বিশেষণে ;  
 বিভূষিত হবে তব্ব স্বপ্নের সনে ;  
 কন্যার কোমল কর করিয়ে অর্পণ,  
 স্বপ্নর বেচারি নামে হাল জালাতন;  
 কিন্তু হে জামাই বাবু বলি কানে কানে ;  
 তোমারও হইবে কন্যা থাকে যেন মনে ।  
 পূর্বে পশ্চিমে যার দক্ষিণে উত্তরে,  
 পূজার তত্তের চেউ দাস দাসী শিরে ;  
 ধুতি মাটি পরিপাটী, মিষ্টান্ন মিঠাই,  
 হাঁচে ঢালা রনে ফেলা মাথা মুণ্ড ছাই ।

— ০ —

কত পরিবার মাঝে হয় তাহাকার,  
 ‘পূজার কাপড়’ বুঝি না হ’ল এবার’ ;  
 কর্তার কলহ হয় কলত্রের সাথে,  
 ‘কেমনে কাপড় হবে কিছু নাই হাতে’ ;  
 কত দিন হতে কর্ম নাহি কিছু তাঁর,  
 ভেবে ভেবে খুল মন অখিল অধার ;  
 জীবিকা নির্বাহ করে ভেবে নিকপার,  
 গৃহিণী আসিয়ে কন্ত বকিছেন ভায় !  
 “ছি ছি ছি অভাগী আমি না হয় মরণ,  
 “নিও গের হাতে পাড়ে হই জালাতন ;  
 “কে শুনে চুঃখের কথা কহিব বা কারে,  
 “কিছুরই নাহিক স্থিতি এ পোড়া সংসারে,

“বৎসরের তিন দিন সকলেরই ঘরে,  
 “হাসি খুসী মিঠালাপ সকলই করে ;  
 “কিন্তু এই পোড়া ঘরে লেগেছে আঁশ,  
 “একটা আছেন যিনি সেটা কু নিৰ্গণ ;  
 “হত গম্বা ভয়া রুম্ নাহি কোন কাজ ।  
 “কি পোড়া কপাল মনে নাহি পায় লাজ,  
 “তু’ বেলা দাওয়ার বসে খালি হুকো টানে ;  
 “এমন ক্রমতা নাই কিছু কিছু জানে,  
 “পড়িয়াছে দেবী পক্ষ আজু’কে বোধন,  
 “কিনেছে কাপড় সব কেমন কেমন,  
 “আমাদের কর্তা ওই বাশ ভারি করে ;  
 “আছেন বসিয়ে ছি ছি ঘরের ভিতরে,  
 “পরিছে সকল ছেলে নুতন বসন ;  
 “আমার বাছারা আহা অভাগীর ধন,  
 “এক রত্তি রাস্তা সূতা’ না পাইল হয় ;  
 “দেখিলে তারে মুখ মুক কেটে যায়’  
 শেষে সতী পতি প্রতি করি’ সন্মোক্ষন ;  
 কহিল নীরস ভাবে বিরস বচন,  
 “কাপড় আনগে বাঁধা দিয়ে ঘটি থাম ;  
 “চুপ করে বসে আছ কি পোড়া কপাল ।”

এইরূপ ভাব হয় কত শত ঘরে,  
 ইহাতেছে এ সময় বসনের তরে ;  
 আপন হাতের বালা খুলে দেয় বালা,  
 কেহ বা খুলিয়ে দেয় চাক কণ্ঠমালা ;

কিনিতে বসন স্বীয় সস্ততি কাবণ,  
 হাতে টাকা নাই তবু নয় নিবারণ ;  
 খুলে দেয় অঙ্গ হ'তে আভরণ চর,  
 'পূজার কাপড়' এ'ষে না হইলে নয় ;  
 সংসারের এই রীতি বুকা নাহি যায়,  
 কেহ বা পুলকে পূর্ণ কেহ নিরুপায় ;  
 কা'রও হয় সর্বনাশ, কা'রও পৌষমাস,  
 কা'রও চক্ষু ভরা জল কাহারও উল্লাস ;  
 উৎসব সময়ে (ও) হয় হেরি সেইরূপ,  
 কা'রও সুখ, কা'রও উথলিছে দুঃখ-কূপ ;  
 কেহ বা বসন পরি করিছে আফ্লাদ,  
 কেহ বা তাহারি তরে ভাবিছে বিবাদ ,  
 কেহ ছুটি পেয়ে কত ছুটিয়ে বেড়ায়,  
 কেহ অবকাশভাবে আবাসে না যায় ;  
 হাহাকার করে কত কেরণীর দল,  
 আর (ও) কত নিয় শ্রেণী চাকর সকল ,  
 বড় বড় ষাঁরা কিন্তু তাঁহাদের নব,  
 চলিতেছে, হয় খালি গরিব নীরব ;  
 মর্শভেদী পরিশ্রম সামান্য বেতন !  
 বৎসরান্তে একবার যাইবে ভবন,—  
 ভাহাতেও আহা কত বিয় বিড়ম্বনা ;  
 ছি ছি ছি চাকুরী করা এতই লাঞ্ছনা ;  
 ক্রমেতে হইল বন্ধ সব বিদ্যাধাম,  
 কিছু দিন তরে ছাত্র পাইল বিশ্রাম :

আগামী পরীক্ষা দিতে যেই ছাত্রগণ,  
 পরীক্ষা মন্দিরে শীঘ্র করিবেন গমন ;  
 তাহাদেরও হেরি যেন কিছু দুঃসময়,  
 হতেছে তাদের মনে কতই উদয় ;  
 অবিরত অধ্যয়ন করে নিরন্তর,  
 মুখেতে হাসিছে হাসি বিবাদ অন্তর ;  
 পরীক্ষার দিন প্রায় আসিল নিকটে,  
 কেমনে পাইবে জ্ঞান বিষম লঙ্কটে ;  
 এই ভেবে লারা হ'ল ছেলে বুড় দল,  
 'পাসের' কারণ ত্রাশ, হয় বা পাগল ;  
 কেন ভাব বৎস ! 'পাস' হবে কোনরূপে  
 যে কিছু আশঙ্কা তাহা, চাকুরী-ভুরূপে ।

— ০ —

ছুটী পেয়ে কত বাবু নূতন "ফ্যাননে"  
 চলেছেন ট্রেনে চড়ি দেশ পর্যটনে ;  
 বুট কোটে কৃষ্ণ কায় কিবা শ্মশোভিত,  
 আমরি, কোরিয়ার্ ব্যাগ্ আজানুলম্বিত  
 হাতে ছড়ী, দোলে ঘড়ি বুকের উপর,  
 শিরে শোভে হ্যাটরূপী সোলার টোপর ;  
 চসমে চসমা আঁটা, চুরট বদনে,  
 রসনা ইংরাজি বুলি বকিছে সঘনে ;  
 কণ্ঠেতে 'কলার'রূপ সভ্যতার হার,  
 হ' পকেটে ভরা রাজনীতির 'লেকচার' ;  
 মিষ্টারাবতার এ'রা বঙ্গের ভরসা,  
 'ভারত উদ্ধার' করা কারো কারো পেনা

জাত্যাংশে কি জানিনা তা, অপূর্ব ধরণ,  
 সকলই একরূপ চণ্ডাল ব্রাহ্মণ ;  
 খ্রীষ্টান নিকটে হিন্দু, হিন্দু স্নেহ কর,  
 অথচ সে 'মুখ' 'বন্দ্য' উপাধি নিচর ;  
 ইংরাজি অক্ষর সনে করেন ধারণ ;  
 প্রান্তে জুড়ি 'ফোয়ার' রূপ বিলাতি ভূষণ,  
 ইদানীং ব্যস্ত এরা 'স্বারস্ত শাসনে',  
 পূজা অবকাশে ভ্রমিছেন স্থানে স্থানে ;  
 ছড়াইরে চতুর্দিকে ধর্ম কর্ত্ত্ব জ্ঞান,  
 দেশার্থে প্রস্তুত এরা তাজিতেও প্রাণ,  
 আপাততঃ রেলো স্থিত সঙ্গে পরিবার ;  
 দেবী বিনা কোথা হয় দেশের উদ্ধার ?  
 অস্তঃসত্তা বিবিজ্ঞান, তবু সঙ্গে যার ;  
 'ভারত উদ্ধার' এ-ত ঠাট্টা কথা নয় ?  
 মিষ্টার স্মন্দর বামে মিসেস স্মন্দরী ;  
 আমরি যুগল মূর্ত্তি অপূর্ব মাধুরী ;  
 পাড়ার্গেয়ে দেশীমেরে গাউন ভিতরে ;  
 জালে পড়ে 'কোই' বথা হালু চালু করে,  
 মরি রে তেমতি করি অঙ্গ সঞ্চালন ;  
 সাহেব প্রাণেশে করে প্রেম বিস্তরণ ।  
 আবার তথায় আসি কোন স্মরসিক,  
 বন্ধু প্রণয়িনী সনে বকে 'পলিটিক' ;  
 উভয়ে দক্ষিণ করে করি সংযোজনা,  
 মস্তেতে স্বর্গের ভাব করিছে ঘোষণা ;  
 সভ্যতার চিহ্ন উহা জাতিঘের প্রাণ,  
 'ভারত উদ্ধার' শৈলে প্রথম সোপান ।



গাড়ির অপর দিকে কিরাও নয়ন,  
 আর এক যুগল দৃশ্য কর দরশন ;  
 যুবক যুবতী আঁহা বঙ্গেরি সন্ধান,  
 কি করিছে ওরা কর দেখি অনুমান ;  
 যুবতীর করে সদ্য-প্রসূত নবেল ;  
 যুবকের করে লাল 'টাইম টেবেল' ;  
 উভয়ে চাহিছে আঁহা উভয়েরই পানে,  
 অবশ্যই জ্ঞান চক্ষে স্পৃপবিত্ত মনে ;  
 তাহাতে সন্দেহ মাত্র নাহিকো কাহার,  
 পুরা 'প্লেটোনিক ভাব' ! কোথা অত্যাচার !

\* \* \*

ধন্য 'প্লেটো' ধন্য প্রেম, ধন্য 'ফ্রেণ্ডশিপ,'  
 ধন্য রে ভারত-ভূমি-উদ্ধারের ট্রিপ ;

—o—

চং চিং চাং ! টেন করিল প্রস্থান,  
 যাও বারু বিবিজান লাহোর মুলতান ;  
 এম হে পাঠক যাই পুজার বাজারে,  
 যদ্যপি অশক্ত হও ভারত উদ্ধারে !

—o—

'বোধন' বসেছে ওই কর দরশন,  
 'বিলু-বুদ্ধ' মূলে পূর্ণ ঘণ্টের স্থাপন ;  
 গন্ধ-পুষ্প পুষ্প-পাত্রে সূর্য্য বিলুদল,  
 কোমা পোরা স্পৃপবিত্ত ঘোলা গঙ্গা জল  
 রহিয়াছে, দেখ কিবা বরণের ডালা,  
 সাজায়েছে যাহা সাথে বঙ্গ কুলবালা ;—

ধান্য ছুর্কা পানি শঙ্খ শঙ্খের কঙ্কন,  
 ক্ষুদ্র লাল চেমি আর সিন্দুর চন্দন,  
 কঙ্কল কস্তুরী আর কুকুম কোঁটায়,  
 বিরাজিত সারি সারি বরণ ডালার ;  
 দেবীর কোমল করে করিতে অর্পণ,  
 রাখিয়াছে রান্ধা স্নাতা জড়িত দর্পণ,  
 (বিচিত্র মুকুট বটে না হয় বিস্থিত,  
 অকর্মণ্য স্বচ্ছ নহে, পিত্তল নির্মিত ;  
 হয় নাই যেই কালে কাচ আবিষ্কার,  
 সেই কালে এই রূপ দর্পণ ব্যবহার ;  
 হইত এ দেশে ; দেখি এখনও হয়,  
 'বিবাহের কালে আর পূজার সময়') ;  
 এ সকল দিয়ে, আরও কত খুঁটি নাটি ;  
 সাজায়েছে বরণের ডালা পরিপাটী ;  
 কিন্তু তার মাঝে দেখ কেমন সুন্দর,  
 এক ছড়া পক রক্তা নধর নধর ;  
 ছাড়িছে সুগন্ধ সনে আত্ম-আকর্ষণ,  
 সাবধান হে পাঠক ! বড় প্রলোভন !

---

'নমস্তস্মৈঃ নমস্তস্মৈঃ' হয় 'চণ্ডী পাঠ,'  
 সংস্কৃতে বিপ্রগণ করে যেন হাট ;  
 পাঠে পরিপক তাঁরা চণ্ডীর কুপায়,  
 'যা দেবী সর্ব ভূতেষু গৃহিণী কোথায় ;  
 'ওঁ বিষ্ণু তদো বিষ্ণু ভ্রান্তিরূপেণ সংস্থিতা,  
 'ভাগ্য দোষে ওহে তিনি সর্বদা পীড়িতা,

‘নমস্তস্মৈঃ নমস্তস্মৈঃ,—কেন আর অত,  
 ‘তর্করত্ন খুড়—বিদে’ পেয়েছিল কত ;  
 ‘নমস্তস্মৈঃ নমস্তস্মৈঃ—দশ টাকা ঘড়া,  
 ‘এইবার পাবে খুড়ী গোট এক ছড়া ;  
 ‘নমস্তস্মৈঃ নমস্তস্মৈঃ বড় আয়োজন,  
 ‘শতাধিক অধ্যাপক হবে নিমন্ত্রণ ;  
 ‘যা দেবী সর্কভূঃ—বিদ্যারত্ন মহাশয়,  
 এবার নৈবেদ্য গুলা ক্ষুদ্র অতিশয় ;”  
 ক্রমেতে যখন হয় লোক সমাগম,  
 নমস্তস্মৈঃ সনে যুক্ত হয় নমঃ নমঃ ।

অপরূপ ‘চণ্ডীপাঠ’ করিলে শ্রবণ,  
 পূজার দালানে যাই এস হে এখন ;  
 সপ্তমী প্রথম পূজা আজ উপস্থিত,  
 পুঁথি কোলে তন্ত্রধর বসে পুরোহিত ;  
 দর্শক দাঁড়িয়ে দেবী করে দরশন,  
 দশভূজা ভগবতী কাঞ্চন বরণ ;  
 কোন হাতে তরবারি কোন হাতে শূল,  
 কোন হাতে ধরেছেন অশুরের চুল ;  
 কোন হাতে আছে শঙ্খ করিতে নিশ্বন,  
 কোন হাতে ধরি’ সর্পে, করিছেন রণ ;  
 এই রূপে দশ হাত হয় ব্যবহার,  
 সিংহ-বাহিনীর মূর্তি অতি চমৎকার,  
 এই রূপ ধরে দেবী সেই পুরাকালে,  
 করিয়াছিলেন রণ আখ্যায়িকা বলে ;

হাঁসি হাঁসি মুখ খানি গভীর বিশাল,  
 অপক্লপ রূপ গড়িয়াছে 'চণ্ডীপাল' ;  
 আকর্ণ পুরিত ছ'টা মাখি যমোহর,  
 শোভিছে অপর অন্ধি ললাট উপর ;  
 ডগ ডগ করে ওঠ হিন্দুল আঁড়ায়,  
 শোভিছে সূচাক কিবা মুকুট মাথায় ;  
 'ডাকের' মাঝেতে অক্ষ প্রত্যক্ষ সূন্দর,  
 হেরিবারে হইয়াছে অতি প্রীতিকর ;

সূচাক সরোজে শোভে লক্ষ্মী সরস্বতী,  
 ভগবতী পুত্রীধর অতি রূপবতী ;  
 মায়ের দক্ষিণ ভাগে লক্ষ্মী দেবীস্থল,  
 দাঁড়ায়ে কমলা, করে সোলার কমল ;  
 ধন ধান্য দাত্রী লক্ষ্মী কমল বাসিনী,  
 বড় সমাদর করে বঙ্গ সিমন্তিনী ;  
 লক্ষ্মীর দক্ষিণে শোভিছেন লক্ষোদর,  
 খড়ম পায়েতে অঁটা ইন্দুর উপর ;  
 পদ্ম মুখ গণেশের বড়ই বাহার,  
 সকলের আগে পূজা হয়ে থাকে তাঁর ।

দুর্গার অপর দিকে সর্ব মূলধার,  
 শোভিছেম সরস্বতী বিদ্যার আধার ;  
 যে অগাধ বিদ্যা এই মামস ভাণ্ডারে,  
 বট-তলা-বিনোদিনী দিলেছেন তাঁরে ;  
 তাহার লালিত্য এই পদ্যেই প্রকাশ,  
 যথার্থ পাঠক ইহা, মছে পরিহাস ;

বিদ্যার কাষে প্রাণ প্রায় ত্যাগত,  
 নমস্কার সরস্বতী ! করি শত শত ;  
 একেই বহিতে নারি তব কৃপাতার,  
 তাহার উপরে লক্ষী করে অত্যাচার ;  
 লক্ষীর জ্বালায় দেশ ছাড়িয়ে পালাই,  
 তবুও ছাড়েনা ছিছি এমনই বালাই ;  
 ধনে ধান্যে একাকার রজস্বল কাঞ্চন,  
 রাখিবার স্থান নাই এত জ্বালাতন ;  
 লক্ষী সরস্বতী দৌছে লম অল্পকুল,  
 ছ'জনার দ্বন্দ্ব প্রাণ সদাই ব্যাকুল ;  
 এ বলে আমার লও ও বলে আমার,  
 ধনে জ্ঞানে চুলুচুলি কি করিব হায় ;  
 প্রচুর ছাড়ায়ে গেছে কি করিব আর,  
 পুনঃ পুনঃ দেবীদয় করি নমস্কার ;  
 কমা কর রক্ষা কর আর কাষ নাই,  
 বিদ্যা বুদ্ধি অর্থ ওগো আর নাহি চাই ;  
 অধিক হইলে খালি হয় অপচয়,  
 'একসকিউস' পাঠক এই আত্ম পরিচয় ।

সরস্বতী বামে শোভিছেন স্বর্গানন,  
 (অবশিষ্ট এবে মাত্র একটী আনন ; )  
 ময়ুর উপরে প্রভু পেয়েছেন স্থান,  
 স্বভাবে সৌখিন বলে হর অক্ষয়ান,  
 "লম্বা কোচ্ছা, পৈতের গোচ্ছা, বাউরিছাটা চুল"  
 মিসিটুকু নাই দাঁতে এইটীই ভুল ।

বকেরা ইয়ার ইনি, মাবেক আমলে,  
 'বাবু' বলা যেত কিন্তু এখন না চলে ;  
 এখন চলে না আর ওই 'বাবু-আনা',  
 অজ্ঞ পাড়ার্গেয়ে ভূতও অমন হয় না ;  
 'উনবিংশ শতাব্দী' এ ইংরাজী শাসন,  
 বর্তমান বাবুগিরি শিখ ষড়ানন ;  
 ইংরাজী পড় হে কিছু ছাড় হিছয়ানী  
 পৈতে গাছা ফেলে দেব, দাও হে ইদানী,  
 নাটক নবেল পড় এক আধ খান ;  
 নিধুর টপ্পা ছেড়ে ধর থিয়েটারী গান,  
 কুল-পুকুরে ফেলে দিয়ে পর ওহে বুট ;  
 সেরী স্যামপিন্ খাও রুটা বিষকুট,  
 বাউরী খেউরী হয়ে কাট স্যালবার্ট সিঁতি ;  
 শিখ ওহে হাব ভাব আধুনিক রীতি,  
 তবেই রহিবে মান 'ককনি' মহলে ;  
 ও পচা গুজস্তা চঃ আর কি হে চলে ?

সমাজ 'রিফরম' হ'ল ভারত উদ্ধার,  
 কেন না হইবে এবে দেবতা সংস্কার ;  
 আমার প্রস্তাব এই শুন ব্রাহ্মগণ !  
 দেবতা সংস্কার করা অতি প্রয়োজন,  
 অধিক কি কব বত গুরুত্ব ইহার ;  
 আবশ্যিক মতে দিব হ'চার 'লোকচার',  
 অস্ত্রএব শীঘ্র শীঘ্র স্থানে স্থানে স্থানে,  
 সমিতি স্থাপিত হউক ইহার কারণে,

সভাপতি মেসারাদি হউক নিয়োজন;  
 'ইলেক্টিভ' প্রণালীতে করে নির্বাচন,  
 "দেব-সংস্কারিণী" সভা দেওয়া হউক নাম;  
 সাধিলেই সিদ্ধি পূর্ণ হয় মনস্কাম,  
 কার্তিক গণেশ আদি কুরা বলরাম;  
 এস হে সংস্কার করে রেখে যাই নাম,  
 শুদ্ধস্তা দেবতা লয়ে আর এ বাজারে;  
 কেমনে হে ভ্রাতৃগণ পারে চলিবারে,  
 সভ্যতার উন্নতির নহে এলক্ষণ;  
 দেশে দেশে প্রচারক করছে প্রেরণ,  
 'প্যামফেটে' পুস্তকে কর ইহার চালনা,  
 সংবাদ পত্রিতে সব কর হে ঘোষণা,  
 কিন্তু কথা কিছু নয় কার্যই প্রধান,  
 অতএব কার্য-ক্ষেত্রে হও অধিষ্ঠান;  
 নতুবা দেশের আর নাহিক নিস্তার,  
 হবেও না কভু পারলৌকিক উদ্ধার;

দেবীর বাহন সিংহ মূর্তি ভয়ঙ্কর,  
 দংশন করিয়া আছে অশুরের কর;  
 একা প্রাণী অশুরেরও নাহিক কশুর,  
 করিতেছে সমভাবে সংগ্রাম প্রচুর।

অনন্তর চেয়ে দেখ 'চালের' উপর,  
 'কি চিত্র করেছে চিত্রপটু চিত্র কর';  
 কৈলাস শিখরে রম্য হর্ষ শোভাময়,  
 শিবানীর নহ শিব আছেন হেথায়;

অপরূপ নন্দী ভূঙ্গী শিব চরম্বর,  
 আঁকিয়াছে 'মহা যুধ' তাঁও মন্দ নয় ;  
 ব্রহ্মা বিষ্ণু কর যোড়ে করিছেন ধ্যান,  
 কে করে কাহার ধ্যান না পাই লক্ষান ;  
 অমর ভুবনে দেব সহস্র লোচন,  
 আছেন বসিয়া সহ মুনি মন্ত্রীগণ ;  
 জানকী সহিত রাম বসি সিংহাসনে,  
 করিছেন রাজ কার্য লয়ে ভ্রাতৃগণে ;  
 উপস্থিত স্মৃগীব আদি বীর হুহুম্যন,  
 ত্রেতা যুগে যারা তাঁর রেখেছিল মান ;  
 তার পর কালী মূর্তি মহা ভয়ঙ্করী,  
 ধরি তরবারি যুঝে থাকি সিংহোপরি ;  
 লোল জিহ্বা উলঙ্গিনী গলে মুণ্ডমালা,  
 অসিত বরনী রণে যুঝিতেছে বাল্য ;  
 শ্রেণী বদ্ধ শত্রু সৈন্য গজের উপর,  
 বামা সনে প্রাণ পণে করিছে স্মরণ ;  
 চিত্তের অপর দিকে ফিরাও নয়ন,  
 অপরূপ চিত্র এক কর দরশন ;  
 রাধিকা আছেন দিব্য সিংহাসন পরে,  
 পরিয়া-রাণীর সাজ রাজ দণ্ড ধরে ;  
 কোটালের বেশে কৃষ্ণ হাজির শুধার  
 অহরহ হাতে ছড়ি পাগড়ী মাথার ;  
 ভাবিছেন কি করিলে খুসী হবে রাহি,  
 আমরা পিরিত হৃদ ! বলি হারি যাই ;  
 চিত্র শেষে রণ ক্ষেত্র রয়েছে অপর,  
 অসুরেরা যুদ্ধ করে অশ্বের উপর ;



উলঙ্গিনী বামা এক সূগেন্দ্র বাহনে,  
করে রণ ঘোরস্তর শত্রু সৈন্য সনে ;

প্রতিমা দক্ষিণে নব পত্রিকা স্থাপিত,  
কলা বধু বলে বাহা হয় অভিহিত ;  
এই রূপ কলা বধু বঙ্গীয় ভবনে,  
দেখা যেত পূর্বে আর নাহিক এক্ষণে ;  
কলা বধু দুবুে থাক বধু (ও) নাই আর,  
বধু হীন আজ কাল বঙ্গের সংসার ;  
ঘোমটা টানা পতি প্রাণা সিঁছুর পরা বোর্ড,  
রান্না ঘরে থাকত তারা দেখত্ নাক কেউ ;  
‘অব্যবহার্য্য অব্ সলিট’ তাহার। এখন,  
কাষেই নিঃশেষিত এবে সে রূপ প্যাটন ;  
‘কলা বয়ে’ আছে খালি আদর্শ তাহার,  
বধু হীন আজ কাল বঙ্গের সংসার ;  
এবে সব আধ বিবি অপরূপ চাল  
মারিছে মজলিস কত ; গিয়েছে সে কাল ;  
/দেবীরে প্রণাম করে দর্শক মণ্ডলী,  
‘কেহ—ল’য়ে ‘গন্ধ পুষ্প’—দিতেছে অঞ্জলি ;  
কেহ—‘ধনং পুত্রং দেহি’—মাগিতেছে বর,  
কেহ মাগে—‘চাকরীং দেহি’ ‘দেহিমে সখর’ ;  
কেহ অপ করে কেহ ধরিছে হুঁকার,  
কেহ জোরে লয়ে হুঁকা তাম্বকুট খায় ;  
কেহ কাজ অবিশ্রান্ত করে নিরন্তর,  
গামছা কোমরে বাধা পড়িতেছে ঘাম ;

কেহ বা নৈবিদ্য করে কেহ খোর চাল,  
 কেহ বা খুরিতে রাখে ছোলা মুগ্ দাল ;  
 কেহ বা ভাগুর ঘরে আছে নিয়োজিত,  
 কেহ আনাগনা করে হইয়া ত্বরিত ;  
 কেহ বা ভোগের ঘরে রাখে আনি ভোগ,  
 কেহ বা কর্তার কাছে করে অভিযোগ ;  
 কেহ বা বাক্যের শ্রদ্ধ করে অল্পক্ষণ,  
 কেহ বা কলহ করে কেহ নিবারণ ;  
 কেহ "ডাকে" কেহ 'হাঁকে' কেহ করে গোল,  
 কেহ কেহ দিবে যায় গোলে হরিবোল ;  
 বুড়া বকে ছেলে কাঁদে কাঙ্গালীতে চার,  
 কেহ আসে কেহ বসে কেহ চলে যায় ;  
 প্রত্যেক মিনিটে ঢাক বাজে ঘণ্টা সনে,  
 অলঙ্ঘ্য সময় যেন আছে দুই জনে ;  
 হইলেই ঘণ্টার শব্দ বেজে উঠে ঢাক,  
 কভু কি দেখেছ কেহ বেতে তাল কাঁক ?

---

আমন্ত্রিত অনাহত ব্রাহ্মণ নিচয়,  
 ক্রমে ক্রমে ক্রমে আসি উপস্থিত হয় ;  
 অপরাহ, হবে এবে ব্রাহ্মণ ভোজন,  
 হ'ল সব সজ্জা গজ্জা যত প্রয়োজন ;  
 সর্বাঙ্গেতে সন্ন্যাসিনী সর্ব শেষে পান,  
 বাঙ্গালার ভোজে হুঁটী অকাট্য নিশান ;  
 মধ্যস্থিত আর যত শামশ্রী নিচয়,  
 একে একে একে সব হইল উদয় ;

পর্কত প্রমাণ অন্ন ব্যঞ্জনের স্তূপ,  
 মিষ্টান্ন মিঠাই মোঙা কত নানা রূপ ;  
 দেখিতে দেখিতে ব্রহ্ম অগ্নিতে পোড়ায়,  
 ধন্য গো ব্রাহ্মণ দণ্ডবৎ তব পার,  
 কে বলে ব্রহ্মণ্য দেব নাহিক এখন,  
 ব্রাহ্মণ উদরে প্রভু আছেন শরন ;  
 ম্যালিরিয়া অশ্বরের ভীম অত্যাচারে,  
 ত্রাসিত কিঞ্চিৎ তাই আছেন ঘঠরে ;  
 ফলা'রের দিনে হয় মাহাত্ম্য প্রকাশ,  
 নিমিষে লুচির বংশ করেন বিনাশ ;  
 গভায় গণ্ডায় মোঙা হয় ভুগুহত,  
 পণে কাহনেতে খাজা গজা মরে কত,  
 প্রভুর বিক্রমে দধি মণে মণে মণে,  
 ধ্বংশ হয়ে যায় যত মতিচূর ননে,  
 এ হেন ব্রহ্মণ্য তেজ তবু কলি যুগ,  
 নতুবা কি ব্রহ্ম অগ্নি রাখিত মুলুক ।

দেখিতে দেখিতে দিবা করে পলায়ন,  
 রাত্রি করে সপ্তমীরে ক'রে সমর্পণ ।  
 রজনীর যে ব্যাপার গাঢ়তর অস্তি,  
 প্রথম নহরে তবে দেখে হে আরতি ;  
 আলোক খচিত গৃহ বায়েণ্ডা প্রাঙ্গণ,  
 ফাটিক আধারে দীপ জলে অগণন ;  
 উচ্ছে নিরে চতুর্পার্শ্বে সম্মুখে পশ্চাতে,  
 উজ্জ্বল আলোক পূজ সারি সারি ভাতে ;

বাজিছে বিবিধ বাদ্য গভীর মধুর,  
 ধূপ ধূনা গন্ধ দ্রব্য পুড়িছে প্রচুর ;  
 আসিয়া দর্শক বৃন্দ দলে দলে দলে,  
 দালানেতে সমবেত হইল সকলে ;  
 স্বকার্য সাধে আচার্য ঘণ্টা বাম হাতে,  
 দোলায়ে সর্বাস পঞ্চ শ্রীপের সাতে ;  
 আরতি দেখিছে কেহ, কেহ বা যুবতী,  
 অপাঙ্গে অনঙ্গে চালে কোন রসবতী ;  
 নবীন প্রবীণ 'ঠাঠ' বিবিধ প্রকার,  
 হতেছে নীরবে মরি প্রেমের বাজার ;  
 "কেহ কিনে কেহ বেচে কেহ করে চুরি,  
 কেহবা অজ্ঞাতে মারে কারো প্রাণে চুরি ;  
 কি দেখিবে হে পাঠক, দেখে কাজ নাই,  
 সংক্ষেপেই হেথা হ'তে এস চলে যাই ;  
 নতুবা কি জানি পাছে এ রঙ্গ মহলে,  
 কেহ ভুলে প্রেম ফাঁসী দেয় তব গলে ।  
 আরতিতে আহাৰ্যেরও খুব আয়োজন,  
 উৎসর্গে পাবেন দেবী খাইবে ভ্রাস্কণ ।

---

দ্বিতীয় নম্বরে ;—নিশা গভীর এখন,  
 পান ভোজনাঙ্কে যুত বাবু 'বাকী' গণ ;  
 নেবেছেন যাত্রা করি খেমটা আসরে,  
 গীতে শ্রীতে নৃত্যে চিত্ত বিনোদন করে ,  
 আসরের সজ্জা গজ্জা লজ্জা বাদে সব,  
 সমষ্ঠিত এক ঠাই যেমন সম্ভব ;

আসর বাসর আর পিয়ার আঁচল,  
 বঙ্গ-কবি-জীবনের প্রধান সম্বল ;  
 কি কবিত্ব এ অধ্যম ছড়াইবে তার,  
 রঙ্গরস প্রস্রাবিত এই বাঙ্গালার ;  
 কিম্বা তার পরিচয়ে কিবা প্রয়োজন,  
 রসিক পাঠক কভু অনভিজ্ঞ নন ;  
 আসরে বাসরে কিয়া কলাপ যেমতি,  
 জানেনা এ বঙ্গ, আছে কে হেন দুর্শ্বতি ;  
 যাহ'ক হে রসরাজ পাঠক আমার,  
 কোন্ আসরে নেবে তুমি করিবে বিহার ;  
 'বাই' নাচ 'খ্যামটা' নাচ "যেবা রুচি হয়,"  
 উভয়েই হেথা আজ আছে মহাশয় ;  
 যাত্রা কবি কাঁরাত ভরঙ্গা থিয়েটার,  
 যদুচ্ছা সন্তোষ কর অবারিত দ্বার ;  
 একহারা দোহারা প্রেম, প্রেম সংশোধিত,  
 এল প্রেম নাচা প্রেম, প্রেম প্রত্যক্ষিত ;  
 সকলই মূর্তিমান আসরে আসরে,  
 ভোরপুর রঙ প্রাণে কতই বা ধরে ।  
 কভু কম নয় যাত্রা রসের মাত্রায়,  
 মান ভঞ্জনের যাত্রা হইতেছে তার ;—  
 রেয়ের পারে ধেড়ে কৃষ্ণ খাবি খায় পড়ে,  
 তবু সে 'দুজ্জর মান' কিছুতে না নড়ে ;—  
 তলে তলে মারে রাই ভামাকেতে টান,  
 ওদিকেতে 'কেলে সোণা' শুষ্ঠাখত প্রাণ ;  
 'মানময়ী' 'প্রেমময়ী' মাঝুলি বচন,  
 বলে কতবার "মম শিরসি মুগুন ;"—

সেধে সেধে 'সুখে ফেকো' উঠার বুরারি,  
 ললিতা বিশাখা সাথে সাথে অধিকারী ;  
 তবুও 'শ্রীমতী' হোঁফা ভাসিয়েনা মান,  
 কতবার হ'ল মান ভঞ্নের গান ;  
 অতঃপর "মোহন চুড়ার" গীতি দূতী ধ'রে ;—  
 খিছাইয়া দণ্ডহীন তোষড়া অধরে,  
 মূর্ছতে তখনি সখী হোকরাগণ গার ;  
 "ও রাই ও রাই মোহন চুড়া লাগে পার"  
 সঙ্গে সঙ্গে শীঘ্র পড়ে বেহালার ছড়ি,  
 ইন্দিতে বিশাখা মারে জোরে তান কড়ি,  
 এই সাবকাশে কৃষ্ণ গাঁজা খেয়ে লয় ;  
 নবোদ্যমে নরমিতে রাধার হৃদয় ।

—00—

ওদিকেও মহামারি কবির আসরে,  
 'চিতেন' ধরেছে 'সখী সখাদি লহরে' ;  
 'মাথুর' কাতুরাঘাতে রাই মুচ্ছাগত ;  
 'বসন্তে পীরিত রাভো বর্ষা সমাগত'  
 'পলাতক প্রেম খাতক' ইদানী তাঁহার'  
 'মদন হয়ে দশানন' করে অত্যাচার ।  
 'নূতন রাজ্যে নূতন রাজা' মদন মোহন,  
 'কুজার পৃষ্ঠে প্রেমের স্বপ্না' গাড়িয়ে এখন'  
 কাজেই বিরহ করে বাঁচেনা রাই প্রাণে ;  
 শ্রোতারিও মৃত প্রায় উৎকট 'চিতেনে'  
 বিবিধ সঙ্কট এই তাহার উপর,  
 হৃদলে বেধেছে মহা সূত্যের লহর ;

গা'ন্ নাচে ষা'ন্ নাচে নাচিছে দোহার ;  
 খাতা হাতে নৃত্য করে কবির সরকার ;  
 কিন্তু কেন নাহি নাচে যত শ্রোতাগণে,  
 চিতেনে চেতন হীন নাচিবে কেমনে,  
 নতুবা নাচিত তারা নাচিত নিশ্চয় ;  
 সংক্রামক ব্যাধি কাকে ছেড়ে কথা কয় ?

—00—

কৃষ্ণের পীরিত যদি পচা সড়া ছাই,  
 সুন্দর বিদ্যার প্রেম (ও) ততোধিক তাই ;  
 চাও যদি তাও আছে কর দৃষ্টিপাত,  
 তৃতীয় আসরে মালিনীর মুণ্ডপাত ;  
 কিন্তু সংশোধিত সদা মাল যদি চাও,  
 উপরের ঘরে ওই 'থিয়েটারে' যাও ;  
 উত্তম পীরিত হেথা 'সাক্ষ্য সমীরণে' ;  
 নেপথ্যে নির্মিত হয় গদ্য পদ্য মনে ,  
 সরোজিনী মৃগালিনী কুমদিনী গণ :  
 নব প্রণালীতে প্রেম করে উল্কাপন,  
 থলি থলি "আয়লো আলি, কুসুম তুলি" কত ;  
 প্রমোদ উদ্যানে প্রস্ফুটিত অবিরত ;  
 বীরভৈরবও অসম্ভাব নাহিক হেথায়,  
 রাজপুত্র বঙ্গ ভূত যবন তাড়ায় ;  
 সকলই সুসভ্য হেথা স্বয়ং মন্যাকিনী  
 অবতীর্ণা 'একসা' রূপে পতিত পাবনী,  
 'খিনক্রমে' ভোগবতী হইয়া উথান  
 ক্রমে ক্রমে চতুর্দিক ভাসাইয়া যান ।

অদূরে 'উদারা' 'ভারা' জাঁবে কার্ণয়াত,  
 একে গজাধিক দাড়ি ভায়ে হিন্দি বাত;  
 কাজেই অনেক বাবু সুরসিক জন;  
 ধীরে ধীরে তথা হতে করেন গমন;  
 ভূমিও পাঠক যদি রসিক নাগর,  
 বাবুদের পিছে পিছে হও অগ্রসর;  
 প্রবেশ যাইয়া ওই জাঁকাল আসরে,  
 কিন্তু সাবধান যেন ফিরে এস ঘরে ।

এই আসরের পুরাতন ইতিহাস,  
 কথঞ্চিৎ এই স্থলে করিব প্রকাশ;  
 সৃষ্টি কালে বিশ্ব কর্মা ব্রহ্মার 'অর্ডারে' ;  
 একাধারে অষ্টায়ুধ বিনির্মাণ করে ;  
 একাধারে সুর ধার অস্ত্র আট খান,  
 নিরস্তর মন্ত্রপুত অবার্থ লক্ষান ;  
 বহুদিনাবধি এই আয়ুধ প্রবর,  
 ব্রহ্মার ভাগ্যে রয় প্রভা খরতর ;  
 ক্রমেতে, কলির শেষে, হইল যখন,  
 বাবু বিনাশিনী শক্তি শেল প্রয়োজন,  
 তারযোগে সর্বাস্তক 'ইনডেন্ট' পাঠায়,  
 ব্যোমকেশ(ও)ডি,ও,(D.O.)এক লিখিলা খাতায় ;  
 'প্রিয় ব্রহ্মা মহাশয় " করি নিবেদন,  
 ইদানীং মর্ত লোকে করে বিচরণ ;  
 বাবু আখ্য একরূপ বিজাতীয় প্রাণী ;  
 কি জাতিতু তার আমি স্বয়ং না জানি,  
 চিত্রশ্রেণে করেছিন্ন এ তব 'রেকার'  
 তাঁহারও কৈকিয়ৎ ইথে নহে পরিহার,



পুরাতন কাগজাত করে অবেষণ ;  
 রিপাটিনা শুধু বাহা করি 'কোটেবণ'  
 নিরে কথকিত তার "-অবগতি ভয়ে,  
 তদন্তে যা পাই আর জানাইব পরে "  
 " মর্তভূমে বাবু নাম ধারী জানোয়ার,  
 উৎসট স্জন ঠিক জানি না কাহার ;  
 স্বর্গ রেজিষ্টারে তার নাম মার্জ নাই,  
 সমগ্র দণ্ডর খুঁজে কিছুই না পাই ;  
 বাবুর প্রকৃতিগত যে গুণ নিচর,  
 একাধারে অদ্যাবধি হইতে উদয়  
 দেখি নাই আমি ;—ভূষণীও দেখে নাই  
 বাবু হেন 'হজ পজ' এত এক ঠাই ;  
 সংক্ষেপতঃ এই সৃষ্টি নহেক আসল,  
 যা কিছু বাবুতে আছে সকলই নকল ;  
 নকলে নিপুণও বটে এই জানোয়ার,  
 তাহা শিখে বাহা দেখে জগতে অসার ;  
 অসারতা প্রিয় তার সমগ্র প্রকৃতি,  
 ধর্ম কার বীর্ষ্যহীন নরের আকৃতি :  
 জাতিত্ব কখন তার হবে নাক স্থির,  
 ত্রিজগতে তারা সর্ব জাতির বাহির ;  
 নিশ্চিত কিছুই নাই তাহাদের দলে,  
 যেদিকে বাতাস বয় সেই দিকে চলে ;  
 খেত ঘীপ বাসী এক জাতীয় কিন্নর,  
 আপাততঃ বাবুগণ তাহাদেরই চর ;  
 তাদের উচ্ছিষ্টে করে জীবন ধারণ,  
 তাদের নিকট ভিক্ষা মাগে অসুক্ষণ ;

চরণ লেহন করে আহারের তরে,  
 আহার না পেলে কিছু গোলযোগ করে,  
 বড়ই কোমল খল স্বভাব তাহার ;  
 ভীতি গীতি রতি সজ্জ করে কামাচার  
 ইত্যাদি অনেক কথা গুপ্ত মহাশয়,  
 লিখিয়া 'বাবুর' দিয়াছেন পরিচয় ;  
 অন্য নিম্ন অফিসর আমলা মহলে,  
 এ সম্বন্ধে নানা জন নানা কথা বলে ;  
 সে সকল এই স্থানে বলা অপয়োজন,  
 এবে আবশ্যক যাহা করি নিবেদন ;  
 ক্রমে ক্রমে 'বাবু' এত বাড়িছে জগতে,  
 বিশেষ বিধ্বংস তার সৃষ্টি ক্রিয়া মতে,  
 হইয়াছে প্রয়োজন, অষ্টা মহামতি !  
 বিলম্বে বাড়িছে খালি পৃথ্বীর দুর্গতি,  
 জ্বর আদি আধি ব্যাধি যত অনুর ;  
 অবশ্য আঘাত করে বাবুর উপর,  
 কিন্তু স্বভাবতঃ তারা নিয়ম অধীন ,  
 এ কারণ আবশ্যক এমত 'মেসিন' ;  
 এমত আয়ুধ প্রেছু যার এক ঘায়,  
 পালে পালে বাবুগণ রসাতলে যায় ;  
 কালান্তের 'বৈদ্যতিক' এক আবেদন,  
 পাঠাইরু মহাপ্রভু তোমার সদন ।  
 উপসংহারেতে দেব আর এক কথা,  
 অবশ্য ধ্বংসের আছে বহুবিধ প্রথা ;  
 বাবু স্বভাবতঃ কিন্তু ভয়ল যেমন,  
 উপযোগী যত্নে তার ধ্বংস প্রয়োজন ;

অতএব চতুর্মুখ করিয়া বিচার,  
 সৃজিবেন সেই যন্ত্র ; কি লিখিব আর ;  
 “ কোলিগ” বিষ্ণুর কাছে ইহার নকল,  
 অবগতি করে পাঠাইল অবিকল ;  
 অন্যান্য কুশল সব নিবেদনমিতি,  
 তব বশস্বদ ভূত্য শ্রী কৈলাসপতি ” ;

শিব পত্র পেয়ে ব্রহ্মা বিচারিয়া মনে,  
 স্মরিলা সে উপরোক্ত আয়ুধ রতনে ;  
 তখনি ব্রহ্মার আগে, আসিয়া ভূরিত,  
 একত্রেতে অষ্টায়ুধ হ'ল উপস্থিত ;  
 দুর্গক্ষে তাহার ব্রহ্মা নাকে দেন হাত,  
 ইঙ্গিতে তাহারা কিছু রহিল তফাত ;  
 অনস্তর চতুর্মুখ—করি সম্বোধন,  
 কহেন আয়ুধে,—“ মর্ত্তে করিয়া গমন  
 বিনাশহ বাবুকুল আপন প্রভায়,  
 থাকিবে সতত তথা যমের আজ্ঞায় ” ;  
 এত শুনি অষ্টায়ুধ হর্ষে শূলকিত,  
 আট মুখে কহে ;—“ প্রভু হইলাম প্রীত ;  
 বহুকাল পড়ে আছি ভাঙারে তোমার,  
 যুদ্ধের মাহাত্ম্য দেব হয় নি' প্রচার ;  
 এক্ষণ যদিপি তুমি হলে কৃপাবান,  
 অবিলম্বে কর প্রভু কায়ার বিধান ;  
 মায়ার সংসারে যেতে কায়া প্রয়োজন,  
 অতএব করে দাও কায়া সংযোজন ” ;

বিধাতা কহেন “ ইথে কভু নয় আন,  
 অবশ্য করিব যোগ্য কারার বিধান ;  
 রক্তাবতী-লোম-জাত নরক নন্দিনী,  
 ‘খ্যামটা’ নামে আছে কন্যা রতির মেতরানী ;  
 নিতম্বাদি অঙ্গে তার করি’ আরোহণ,  
 বঙ্গ-দেশে যেয়ে কর ‘বাবু’র নিধন ” ;  
 অষ্টার আজ্ঞায় আসে ‘খ্যামটা’ বিনোদিনী,  
 তালে তালে ফেলি পদ “তা ধিনী তা ধিনী” ;  
 নিতম্বে অপাঙ্গে তার গুণ্ঠে পয়োধরে,  
 রসনায় আর সৰ্ব শরীর ভিতরে ;  
 যুগপৎ অষ্টায়ুধ প্রবেশ করিল,  
 ধিনী ধিনী নিতম্বিনী নাচিতে লাগিল ;  
 নাচিতে নাচিতে বন্ধে করিল প্রবেশ,  
 যুচাইতে ধরণীর ‘বাবু’ তার ক্লেশ ;  
 ক্রমেতে খ্যামটা-বংশ বাড়িতে লাগিল,  
 দিনে দিনে বঙ্গভূমি চৌদিকে ঘেরিল ;  
 প্রাপ্ত আসরে সেই খ্যামটা নন্দিনী,  
 নাচিতেছে কতিপয় রস তরঙ্গিনী ;  
 “এখন কিহে বঁধু” ছলে ডাকিছে শ্রোতায়,  
 “অধঃপাতে যাবি শীঘ্র আয় আয় আয় ।”

সমাপ্তিহু এতক্ৰমে পূৰ্ব ইতিহাস,  
 শুনিতে মুহূর্ত মধ্যে হয় স্বৰ্গ বাস ;  
 আসর বর্ণন(৩) শেষ করিহু হেথায়,  
 সরস্বতী ততোধিক লক্ষ্মীর আজ্ঞায় ;

তৃতীয় নম্বরে ; জয় জয় সুরেশ্বরী,  
 বোতল বাহিনি বালে ! কিরূপ আমরি !!  
 তরল তরঙ্গে বঙ্গে ভাসিয়ে নে চল,  
 বাঙ্গালী জীবনে আর কি করিবে বল !  
 জয় জীন স্যামপীন জয় ত্র্যাণ্ডি ! দেরি !  
 অবশ্য তোমারও জয় দেশী' ধান্যেশ্বরী ;  
 জয়ন্তে অর্কুদ কোটী মদের দোকান,  
 জয় শুক্ৰহীন ভাটী যত পীঠ স্থান !  
 জয়ন্তে 'শুগ্ৰীকালয়' কি মধুর নাম,  
 জয়ন্তে পুণ্ডরিকাক্ষ শুগ্ৰী গুণ ধাম ;  
 জয় সিদ্ধ পীঠ দ্বয় প্যারিস লগুন,  
 জয় সুরে বঙ্গ কবি করে আবাহন ;  
 শুনিয়াছি না কি দেবি ! তোমার কৃপায়,  
 কবির মগজ একেবারে খুলে যায় ;  
 দীনে যদি কর দেবি দয়া এক বার,  
 ক্রণেকে বর্ণিয়া লই পূজার বাজার ;  
 শক্তির উৎসব কভু নিরামিষ নয়,  
 জয় ত্র্যাণ্ডি কর বঙ্গে যক্ৰুং সঞ্চয়,  
 জয় ত্র্যাণ্ডি কর 'ডিলিরিয়ম' সঞ্চয়,  
 "চাল চাল চাল চাল চাল রে আবার ;  
 আত্রুক্ষাঃ স্তম্ভ পর্য্যস্তঃ খাও পেট ভরে,  
 আপাদ মস্তিকে মদ্য ঠাস স্তরে স্তরে;  
 সাবধান যেন স্থান বিন্দু নাহি রয়,  
 শক্তির উৎসব যেন বিফল না হয় ।"  
 "এখনও হ'ল না 'ডিলিরিয়ম' সঞ্চয় ?  
 "চাল চাল চাল শীত্ৰ চাল পুনর্বার ;"

“ঢালিতেছি দার মাস এখনও ঢালিব ?  
 “শুরা পারাবারে আজ সগোষ্ঠী ডুবিব !”  
 ‘ক্যাপিটল’ !! পুরুষার্থ আর কাকে কর ?  
 শুরা শ্রোতে ভাসে বঙ্গ কি ভয় কি ভয় !  
 কে তুমি অশুর পরে মহিষ মর্দিনি !  
 বোতল বাহিনী বঙ্গে শাসিছে ইদানী ;  
 ‘সপ্তমী’ প্রারম্ভ তব ‘দশমী’ বিনাশ,  
 শুরার উৎসব হেথা হয় বার মাস ;  
 তুমি আদ্যা শক্তি, সদ্যা শক্তি শেল তিনি,  
 সম্মুখ সংগ্রামে জয়ী “ভাঁড়ে মা ভবানী” !  
 দেখি বঙ্গ ন্যায় যুদ্ধে তোমার নিধন,  
 শুরধনী তীরে করে তব সপিওন ;  
 সমারৌহ শ্রদ্ধ তব করে দিনত্রয়,  
 কিসে তবে বঙ্গবাসী কীর্তিবান নয় ?  
 বাহিরে-ভিতরে-অঁস্তা-কুড়ে, নরদামায়,  
 শক্তি শোকে আহা তারা গড়াগড়ি যায় !!!

---

সপ্তমী হইল শেষ অষ্টমী আগত,  
 সন্ধি পূজা আদি সব হয় রীতিমত ;  
 সপ্তমী সদৃশ সব আজ অষ্টমীতে,  
 অতএব দিবনাক ‘পুঁথি বেড়ে বেতে’

—০০—

নবমীতে অজ্ঞাকুল করিয়ে নিধন,  
 কাদামাটি মেখে নাচে ভূত পেত্নীগণ ;  
 আর আর যে ব্যাপার নিষিদ্ধ বর্ণন,  
 যেহেতুক করিয়াছি ‘মেঘাধ্য’ গ্রহণ ;

“অঙ্গীলতা নিবারিণী মহতী সভায়”  
হার-পূজা ফুরাইল !! রজনী পোহায় !

---

হার পূজা শেষ ! এল বিজয়া গোখলি,  
এস হে পাঠক—তবে করি কোলাকুলী ;  
প্রাণভরে কোলাকুলী করি এস ভাই,  
দোষে শুণে, বঙ্গবাসী, তোমাকেই চাই !



## বিসর্জন ।

নবমীর নিশা হায় প্রভাত হইল !  
 বঙ্গের বিশাল বঙ্গ বিধাদে ভরিল !  
 বিসর্জন ! বিসর্জন ! আজরে প্রতিমা !  
 গভীর সলিলে আজ, বঙ্গের গরিমা ;—  
 বিসর্জন ! বিসর্জন ! হায় বিসর্জন ! !  
 গভীর সলিলে আজ জন্মের মতন,  
 শক্তি শান্তি সৌন্দর্যের মহা বিসর্জন,  
 হা বিধাত ! বঙ্গ আজ কর দরশন ! ! !  
 বিসর্জন ?

কেন বিসর্জ্জিবে বঙ্গ সোণার প্রতিমা ?  
 কেন বিসর্জ্জিবে বঙ্গ স্বর্গের গরিমা ?  
 কেন বঙ্গ বিসর্জ্জিবে, কেন হেন ধন ?  
 বিসর্জন নহে কভু নহে বিসর্জন ' !  
 সোণার প্রতিমা বঙ্গ বিসর্জন দিবে,  
 একাকিনী অভাগিনী বহিবে কি লয়ে ?  
 জীবন্ত শক্তি বঙ্গ বিসর্জন দিবে,  
 তাই কি সম্ভব ? বল কেমনে ঠাচিবে '  
 না না না ;—অসম্ভব ওরে বিসর্জন,  
 এখনও জীবন্ত আছে মায়ের জীবন !

কে বলে জীবন্ত নয় মায়ের প্রতিমা,  
 কে বলে বিলুপ্ত ওরে বঙ্গের গরিমা ?  
 কোন প্রাণে কে বলে রে দিবে বিসর্জন ?  
 জীবন্ত অপ্রত মাতা পূর্বের মতন ;—



করিছে করুণা রশ্মি মার স্নানরনে,  
 কতই স্নেহের ভাব প্রশান্ত বদনে,  
 ডাকিছেন স্নেহময়ী;—“বাহারে আমার,  
 “ কেন মুখ খানি অত হয়েছে আঁধার,  
 “ যাহা চাস্ তাই দিব আয় কোলে আয়,  
 “ শক্তি শান্তি কি লয়িবি বল রে আমার ;  
 “ কেন রে বিষাদ, আমি আছিরে যখন,  
 “ এ সংসারে কোন বস্তু বল প্রয়োজন ?  
 “ এখনই দিব তাহা আয় কোলে আয়,  
 “ আঁধার করিয়ে মুখ কাঁদাস না মায় ” ।

ডেকে বলিছেন কত, করবে শ্রবণ,  
 বারেক ওমূর্ত্তি পানে কর নিরীক্ষণ,  
 তবেই বুঝিবে মাতা সুপ্ত কি জাগ্রত,  
 তবেই বুঝিবে মার প্রাণে স্নেহ কত !  
 দেখিরাছ ? দেখ নাই;—নয়ন তোমার,  
 খুলে নাই, দেখ ভাই, বারেক আবার ;  
 জ্ঞান চক্ষে প্রেম চক্ষে কর নিরীক্ষণ,  
 আনন্দময়ীর এই আনন্দ বদন ।  
 বল হে এখন ;—মাতা সুপ্ত কি জাগ্রত,  
 বুঝেছ কি এবে মার প্রাণে স্নেহ কত ?

\* \* \* \*

হাসিছেন মহালক্ষ্মী আনন্দরূপিণী ;  
 হাসিছেন স্নেহময়ী বঙ্গের জননী ;  
 হাসিছেন জগন্মাতা ভব নিস্তারিণী,  
 হাসিছেন মহাশক্তি মহিব-মর্দ্দিনী !!

কি মধুর হাসি সুখ শান্তি মর,  
 কি মধুর হাসি আনন্দ আলর,  
 কি মধুর হাসি অক্ষুট অক্ষুট ;  
 রেখা মাত্র তাও অর্ধ পরিফুট,  
 কিন্তু দেখ দেখ কত শক্তি তায়,  
 পাষণেতেও প্রাণ চালিয়া দেয় !!  
 শক্তি সৌন্দর্যের এ হেন প্রতিমা,  
 স্নেহের প্রেমের আহা অস্ত সীমা,  
 হেন ইষ্ট দেবী—বঙ্গের গরিমা,  
 কে বলে রে আজ হবে বিসর্জন !!!

কে বলে পাষণময়ী মায়ের মুরতি,  
 কে বলে রে মৃন্ময়ী অনন্ত শক্তি,  
 কে বলে মা সুপ্ত মৃত ;—কোন মূঢ়মতি ?  
 অন্ধ অন্ধ !! তার নাহি নয়ন !!!

\* \* \* \*

কেন বিসর্জবে বঙ্গ জীবন্ত প্রতিমা ?  
 কেন বিসর্জবে বঙ্গ স্বর্গের গরিমা ?  
 কেন বিসর্জবে বঙ্গ স্বাধীনতা ধন ?  
 বিসর্জন নহে কভু নহে বিসর্জন ।

\* \* \* \*

হার !!!

তবে কেন মা জননী করেন গমন,  
 পা ছ' খানি ধরে এস করি নিবারণ ;  
 কোথা গো গিরীশ রানী, কোথা শৈলেশ্বর, !  
 দেখিলে না চেয়ে, যার শূন্য করি ঘর—

যায় যে লাঞ্ছনাবতী সতী উমাধন,  
 যায় যে “তুধের মেয়ে” কর গো বারণ ;  
 কর গো বারণ গেলে এ অচল কার,  
 কে চালাবে আর বল মোহিনী মায়ার,  
 কে ডাকিয়ে আর মাতৃ পিতৃ সম্বোধনে,  
 শীতল করিবে ওগো তাপিত পরাণে ?  
 কি লয়ে রহিবে ঘরে বাঁচাবে জীবন  
 যায় যে প্রাণের প্রাণ সতী উমাধন ।

হার গিরিরাজ নিদ্রা অভিভূত !  
 হার গিরিরানী শোকে মূর্ছাগত !  
 মায়ের পরাণে সয় আর কত !  
 কোথা গেল আর “তুধের মেয়ে” !  
 হার গিরিরাজ নিদ্রা অভিভূত,  
 গিরীশ রমণী শোকে মূর্ছাগত ;  
 হইল বিগত বর্ষ সপ্ত শত ;  
 কে হায়রে এবে দেখিবে চেয়ে !!

\* \* \* \*

সপ্ত শত বর্ষ পূর্বে রে ভ্রান্ত হৃদয় !!  
 হইয়াছে বিসর্জন আজ অভিনয় !!  
 • বাৎসরিক অভিনয় হায়রে তাহার !!  
 \* সময় সাগর গর্ভে আজ পুনর্বার !!  
 শক্তি, শান্তি সৌন্দর্যের দিয়া বিসর্জন—  
 হা বিধাত ! বঙ্গভূমি উন্মাদ এখন !!!

নবমী রজনী শেষ, নিবিল প্রদীপ !  
নিবিল প্রদীপ—হার ! নিবুক জীবন !  
নিবুক নকত্র পুঞ্জ রবি শশধর—  
নিবুক নিবুক সব হ'ক বিলর্জন !!

হইয়াছে বিলর্জন হার বছদিন !!  
বর্ষে বর্ষে অভিময় হয় মাত্র তার !!  
নির্কাণ প্রদীপ ! গৃহ আলোক বিহীন !!  
অঁধাব অঁধার হার ! সকলই অঁধার !!

